

Таньгъчин малин ѳслтд—торгън нооста хѳд ѳсклгън голлгън

Халъмг таньгъч—мал ѳсклгън таньгъч. Олн зусн малтв, тѳунъс нургългъчнь—торгън нооста хѳд.

Нидн джилък кѳдлмшин диг-дарагъар авад хълъхлъл, шул ганцхн ноосна бийъснь данъгар 35 сай арслнъга олз-ору мана таньгъч узси болдг.

Онъгрси джилин саамд, мана таньгъчд хѳбнъл цаарандк ѳслтнь 249 минъгъ курв.

Хѳ ѳсклгъър, тѳунъс гаргъгдг олз-ору икдѳллгъър сълнър, олнд ханлтта болдгар кѳдлдж йовх колхозмудин болн совхозмудин тонъ джил ирвъл улм ѳсъл-ѳргдждъл йовна.

„Черноземельский“, „Сарпа“, 383-ч болн 105-ч номертъл, Чапаевин нертъл — ним зѳвълр олн совхозмуд нидн джил зуугъад нълднр хѳн болгънас зун арви тавагъад хургъд авси, ѳмн нѳурт йовх совхозмудин тоод бълъцхълнъл.

Хѳбнълс ноос киргъдж авлгъарн сълнъл тоод йовцхах совхозмуднь—бас тер тѳурѳн болдж келгдси „Черноземельский“ болн дакад „Сарпа“ болн „Сарпинский“, 107-ч номертъл—эн ним совхозмуд. Эн совхозмудт нидн джил киргъдж авси ноосинь хѳн болгънд цацад тоолхл, хѳн болгънас зургъагъад болн долагъад дундур килограмм ноос киргъдж авцхасн болдж гарв.

Элст балгъси эргндк Ленинъл болн Сталинъл нертъл колхозмуд, Яшалтинск района Кировин нертъл, Сарпинск района „Гигант“, —эн ним колхозмуд хѳн болгънас нидн джил тавагъад, зургъагъад килограмм ноос киргъдж авцхасн.

Хѳ харѳлдж, арднь ордж хълълдж, асрдж, ѳскнъл гисиг амр тѳр гидж тоолдж болшго. Эн тоотиг куцългънд йир элду гидг ик эрдм кергтъл.

Нерднь ики холд туурцхасн, сълнълн тоод ордж одцхасн, кесг джилд кѳллцхълкеси, кѳдлмштълн иджлдси, тѳугълн сълнър медцхълдг, ладмгшрдж одцхасн, малин занъг-бълъриг лавта гидгър медъл авцкеси хѳбчир таньгъчдмдн зѳвълр олн бълъцхълнъл.

Социалистическ Куч-кѳлсинъл Герой, Элст балгъси Сталинъл нертъл колхозин ах хѳбч Я. М. Попенко 100 нълднр хѳбнълс 140 хургъ авб, теднь цугъарн эрѳл-менд ѳсклгдцхълв.

Бас эн колхозин ах хѳбчир Шафоростов, Ахметов, Крив-

кин, Кийко, Цыбулевский, нань чигн теднлъл ѳл кесг хѳбчир 100 нълднр хѳбнълс 126, 137 хургъд авцхадж. Игдж ѳнн седклърн, хуурмг угагъар, цуг бълъси чидлълн ѳгч шунлтта кевълр кѳдлдж йовцхах хѳбчириг цугтагъинь тоолдж келдж болшго. Тедѳ дѳнъгъл эдн олн.

Торгън нооста хѳбдин ѳслтиг, тѳунълс гаргъгдг элдуушиг элвджѳллгъиг юмна тѳурѳнд бий деерълн даадж куцълцхълх зѳвтъл улень эн хѳбчир болн селнълн эл-ахун цуг кѳдлълчир.

Хѳ ѳсклгънъл зураг джил болгън куцълджългън, тѳунъл тѳлъл шунлтта кевълр ноолдгън—йир ик даалгъврта кѳдлмш.

Таньгъчин совхозмуд болн колхозмуд хѳ ѳсклгънъл нидн джилъл зурагълн 91,8 процент куцълцхъллъл. Нег ѳлѳ тер зураг Элст балгъси болн Сарпинск, Целинн, Приютненск райодин колхозмуд муугъар куцълцхълв.

Нидн джил гарси хургъдин тонъ зурагъар темдгдлжълснълс багъ болдж гарв. Зун хѳн болгънас совхозмудар болхла 91-д хургъд авлдж, колхозмудар 87-д. Хѳбнъл хусрлт ода чигн ик. Эн йир му йовдл. Таньгъчд бълъх торгън нооста хѳбдин ут тоогъас 8,4 процентнь хусси болдж гарв. Хѳбнъл хусрлт нег ѳлѳ совхозмудар ик болв, данъгъар 8,9 процент курв.

Тегълд мана таньгъчин колхозмудар болн совхозмудар хѳбнъл хусрлт ик болси учрар нидн джилин тѳллъл данъгъар 50 минъгън хургъд тату авгдв.

Цуг эн ним тоот йовдлмуд—торгън нооста хѳбдин цаарандк ѳслтднь ик саалтг болджана.

Торгън нооста хѳд мана таньгъчин ик зѳѳр, энѳг делгрулдж ѳсгхлъл олн-ълмтнъл элдуш, ѳмси-зѳѳхнь улм элвджхнь кенд болв чигн медгдх зѳвтъл.

Тер тѳлълд чигн торгън нооста хѳбдиг тасрхлан угагъар, оньдинд килмдждълн бърдж, ѳслтинь хурдуллгън, тѳунълс гаргъгдг элдуушиг элвг олнд куртамджтъл болгългън—мана таньгъчин цуг куч-кѳлсириг муурлт угагъар ноолдж, эрки биш куцълх зѳвтъл, йир ик кундтъл тѳрмуднь болджана.